



Broj: 03/1-50-14-7-31/13

Sarajevo, 28.10.2013.

PREDMET: Informacija o posjeti članova Zajedničke komisije za odbranu i sigurnost BiH Ministarstvu odbrane BiH i Zajedničkom štabu Oružanih snaga BiH, 9.10.2013.

Članovi Zajedničke komisije za odbranu i sigurnost BiH (u daljnjem tekstu: ZK) posjetili su, 9.10.2013., Ministarstvo odbrane BiH i Zajednički štab Oružanih snaga BiH (u daljnjem tekstu: MOBiH i ZŠOSBiH).

U delegaciji ZK bili su: Dušanka Majkić, predsjedavajuća, Nermina Zaimović-Uzunović, Mehmed Bradarić, Krunoslav Vrdoljak i Beriz Belkić, članovi ZK, Ljiljana Milićević, sekretar, Željko Grubešić, stručni savjetnik, te Boško Šiljegović, parlamentarni vojni povjerenik BiH.

Sastanku s članovima ZK u MOBiH prisustvovali su Zekerijah Osmić, ministar, Marina Pendeš, zamjenica ministra, pomoćnici ministra odbrane, general-major Anto Jeleč, v.d. načelnika ZŠOSBiH, sa saradnicima.

Sastanku s članovima ZK u ZŠOSBiH prisustvovali su general-major Anto Jeleč, zamjenici načelnika ZŠOSBiH, brigadni generali Senad Mašović i Mirko Tepšić, sa saradnicima.

U uvodnom obraćanju Dušanke Majkić, predsjedavajuće ZK, istaknut je cilj radne posjete i hronologija događanja koja govori o detaljima u vezi s pripremom posjete.

Predsjedavajuća Majkić naglasila je da s predstavnicima MOBiH i OSBiH želi razgovarati o brojnim pitanjima, i to:

1. Pokretna vojna imovina, status i rješenja;
2. Aktivnosti na rješavanju viškova naoružanja, municije i MES-a
 - projekat EXPLODE,
 - aktivnosti na popisu u skladištima MiMES-a (dva skladišta),
 - tok procesa popisa oružja,
 - osvrt na stanje na poligonu Glamoč (poslanička pitanja i poslaničke inicijative) i TROM Dobj (mogućnosti povećanja kapaciteta TROM-a);

3. Informacija o preduzetim mjerama i aktivnostima na rješavanju pokretne vojne imovine, preporuke iz Doboja, 5. i 6.2.2013.;
4. Rješavanje pitanja nepokretne vojne imovine, i to:
 - 46 neperspektivnih lokacija (FBiH - 35 i RS - 11), većina nije spremna za predaju lokalnim vlastima i knjiženje u korist entiteta,
 - status 63 perspektivne lokacije (aktivnosti MOBiH i Pravobranilaštva BiH na rješavanju posjedovnih listova i zemljišno-knjižnih izvadaka);
5. Informacija o postupku i vremenu za okončanja aktivnosti na rješavanju pitanja ostale pokretne vojne imovine (član 9. stav 3. Sporazuma);
6. Prijedlog rješenja za izvršenje ugovora bivših entitetskih vojski, prema članu 11. Sporazuma (FBiH - 3 i RS - 2) - poseban osvrt na stav 4.;
7. Informacija o stanju i problemima u vezi s deminiranjem u OSBiH;
8. Rješavanje pitanja arhive (član 3. st. 1. i 2. Sporazuma);
9. Informacija o planu aktivnosti na povećanju efikasnosti pomoći lokalnom stanovništvu u prirodnim i drugim katastrofama (elementarne nepogode, broj helikoptera koje je moguće angažirati, ljudski i tehnički kapaciteti MOBiH, plan angažiranja OSBiH u slučaju zimskih neprilika);
10. Rok u kojem će se izvršiti ponovna analiza perspektivne vojne imovine (oslobađanje od svega što nije u formaciji ili što nije u funkciji – motorna vozila, pokretne ambulante, radionice za više nivoa remonta);
11. Informacija o preduzetim mjerama i radnjama na uspostavljanju i organizaciji materijalnog knjigovodstva (trenutno se vode dvije odvojene knjige, jedna za MOBiH, a druga za OSBiH, što je suprotno Zakonu o računovodstvu i reviziji BiH, Pravilniku o računovodstvu budžeta institucija BiH i Kontnom planu budžeta institucija BiH)
 - oko 70.000 stavki nije prikazano vrijednosno u poslovnim knjigama niti je razdvojeno u skladu s međunarodnim računovodstvenim standardima na: nekretnine, postrojenja i opremu;
12. Aktivnosti koje se preduzimaju na unapređenju procesa ocjenjivanja pripadnika OSBiH;
13. Status „Pregleda odbrane“ (veličina, struktura i lokacije OSBiH);
14. Aktivnosti MOBiH na planu otklanjanja nedostataka iz revizorskog izvještaja;

15. Stavovi MOBiH o navodima u Informaciji brigadnog generala Sakiba Forića o aktuelnim dešavanjima u OSBiH koje je uputio članovima Predsjedništva BiH;

16. Operativnost sredstava i ključne opreme OSBiH (inženjerska oprema, motorna vozila, oprema za deminiranje).

Ministar Osmić sa saradnicima informirao je članove ZK o aktuelnom stanju u sektoru odbrane. Posebno se razgovaralo o rješavanju pitanja pokretne i nepokretne vojne imovine, rješavanju pitanja arhive, povećanju efikasnosti pomoći lokalnom stanovništvu u prirodnim i drugim katastrofama, kao i o nizu drugih pitanja.

General-major Ante Jeleč, v.d. načelnika ZŠOSBiH, sa svojim saradnicima upoznao je članove ZK o aktuelnom stanju u OSBiH, a razgovarano je i o nizu drugih pitanja od interesa za OSBiH, a prije svega o procesu deminiranja, stanju personala, operativnosti opreme i sredstava koje koriste OSBiH, te o povećanju efikasnosti u izvršavanju postavljenih obaveza i zadataka.

Tokom razgovora konstatiran je napredak u provođenju Akcionog plana Ministarstva odbrane BiH za 2013. godinu. Posebno je izraženo zadovoljstvo po pitanju uništavanja municije i minsko-eksplozivnih sredstava, te izradi plana nabavki za OSBiH za 2014. godinu kojom bi se učinio dodatni napor u blagovremenom logističkom osiguranju OSBiH.

Na kraju sastanka zaključeno je da MOBiH i ZŠOSBiH dostave Zajedničkoj komisiji za odbranu i sigurnost BiH zapisnik sastanaka koji su održani u MOBiH i ZŠOSBiH, te da u pisanoj formi odgovore na pitanja koja su postavljena u razgovoru.

Odgovore na postavljena pitanja potrebno je dostaviti do 15.11.2013., s ciljem da se učesnici radionice u Tesliću (9. i 10.12.2013.) što kvalitetnije pripreme za razgovor o stanju u sektoru odbrane.

Predsjedavajuća
Zajedničke komisije

Dužanka Majkić

Prilog:

- Informacija MOBiH o radnoj posjeti ZKOSBiH
- Informacija o aktivnostima MOBiH na prikupljanju dokumentacije za perspektivne nekretnine

Dostavljeno:

- naslovu
- a/a